

# REGLUGERÐ

## um skráningu einstaklinga.

### I. KAFLI

#### Almenn ákvæði.

#### 1. gr.

*Markmið.*

Markmið með reglugerð þessari er að stuðla að því að haldin sé áreiðanleg skrá yfir einstaklinga og að skráningin sé rétt svo að hún skapi grundvöll fyrir tiltekin réttindi og tilteknar skyldur einstaklinga. Enn fremur er það markmið að skráning upplýsinga í þjóðskrá og tengdar skrár byggist á bestu fáanlegu gögnum á hverjum tíma.

#### 2. gr.

*Upplýsingaöflun Þjóðskrár Íslands.*

Þjóðskrá Íslands heldur þjóðskrá og skráir í hana upplýsingar sem taldar eru upp í 6. gr. laga um skráningu einstaklinga og skv. reglugerð þessari.

Upplýsingar um eftirtalin efni skulu berast Þjóðskrá Íslands svo sem hér segir:

- a. *Barnsfæðingar*: Tilkynningar um barnsfæðingar berast frá heilbrigðisstofnunum og sjálfstætt starfandi ljósmæðrum.
- b. *Feðranir*: Tilkynningar um feðranir berast frá dómstólum, sýslumönnum eða einstaklingum.
- c. *Véfengingar á faðerni og ógildingar á faðernisviðurkenningum*: Tilkynningar berast frá dómstólum.
- d. *Ættleiðingar*: Tilkynningar berast frá sýslumönnum.
- e. *Nafngjafir*: Tilkynning um nafngjafir berast frá forsjáraðilum barna
- f. *Forsjá*: Tilkynningar um staðfestingu samninga um forsjá og úrskurði um forsjá berast frá sýslumönnum og dómstólum. Enn fremur tilkynna Barnaverndarnefndir um breytta forsjá þegar forsjáraðilar afsala sér forsjá til barnaverndar.
- g. *Lögheimili*: Einstaklingur tilkynnir um breytingu á lögheimili og aðsetri sínu samkvæmt lögum um lögheimili og aðsetur. Sýslumenn og dómstólar tilkynna um staðfestingu samninga foreldra um lögheimili barna. Upplýsingar um breytt lögheimili einstaklinga geta borist með skilnaðargögnum frá sýslumanni.
- h. *Ríkisfang*: Tilkynningar um breytingar á ríkisfangi berast frá Útlendingastofnun.
- i. *Hjónavígslur*: Tilkynningar berast frá sýslumönnum, prestum þjóðkirkjunnar, forstöðumönnum eða prestum skráðra trúfélaga eða lífsskoðunarfélaga, eða einstaklingum sem starfa í umboði forstöðumanns skráðs trúfélags eða lífsskoðunarfélags og fengið hafa löggingu sýslumanns.
- j. *Skilnaður að borði og sæng*: Leyfi til skilnaðar að borði og sæng berast frá sýslumönnum og dómstólum.
- k. *Hvert gjöld til skráðra trúfélaga eða lífsskoðunarfélaga skuli renna*: Tilkynningar berast frá einstaklingum.
- l. *Lögskilnaðir*: Leyfi til lögskilnaðar berast frá sýslumönnum og dómstólum.
- m. *Ógilding hjúskapar*: Tilkynningar koma frá dómstólum.
- n. *Sambúðarslit*: Tilkynningar um sambúðarslit, þegar viðkomandi eiga barn saman, berast frá sýslumönnum eða dómstólum. Tilkynningar um sambúðarslit, þegar viðkomandi eiga ekki barn saman, gerist sjálfkrafa með lögheimilisflutningi eða sérstakri tilkynningu um slit sambúðar frá aðilum.
- o. *Andlát*: Tilkynningar um andlát einstaklinga sem eiga lögheimili hér á landi skulu berast frá sýslumönnum.
- p. *Horfnir menn*: Úrskurðir þar sem heimilað er að fara með bú horfinna manna sem látinna og dómar um að horfnir menn skuli taldir látnir koma frá dómstólum.
- q. *Leiðréttingar á kyni sjálfráða einstaklinga*: Tilkynningar um kynleiðréttingu sjálfráða einstaklinga berast frá aðilunum sjálfum.
- r. *Leiðrétting á kyni barna*: Tilkynningar um kynleiðréttingu barna berast frá sérfræðinefnd um breytingar á kynskráningu barna skv. 9. gr. laga um kynrænt sjálfræði sem og börnum yngri en 18 ára með fulltingi forsjáraðila sinna

Upplýsingar um ofangreind efni geta einnig borist Þjóðskrá Íslands frá einstaklingum og erlendum stjórnvöldum.

3. gr.

*Form upplýsingagjafar.*

Tilkynningar frá aðilum sem getið er í 2. gr. skulu vera á rafrænu formi,

4. gr.

*Tímasetning upplýsingagjafar.*

Upplýsingar skv. 2. gr. skulu berast Þjóðskrá Íslands án tafar eða innan 7 daga frá athöfn, ákvörðun, úrskurði eða dómi.

II. KAFLI

**Kennitölur.**

5. gr.

*Kennitala.*

Kennitala er einkvæmt auðkennisnúmeri sem gefið er út til einstaklinga samhliða skráningu í þjóðskrá.

6. gr.

*Kerfiskennitala.*

Kerfiskennitala er einkvæmt auðkennisnúmer sem opinberir aðilar geta sótt um fyrir erlenda ríkisborgara sem ekki uppfylla skilyrði til skráningar í þjóðskrá til að geta auðkennt þá í kerfum sínum.

Kerfiskennitala er einnig gefin út til andvana fæddra barna sem fæðast eftir 22. vikna meðgöngu til auðkenningar í skráum Landlæknis og annarra heilbrigðisstofnana.

7. gr.

*Útgáfa kerfiskennitölu.*

Erlendir ríkisborgarar geta vegna sérstakra hagsmuna hér á landi skv. 2. mgr. fengið útgefna kerfiskennitölu hjá Þjóðskrá Íslands eftir milligöngu opinbers aðila.

Heimilt er að sækja um kerfiskennitölu þegar hinn erlendi ríkisborgari hyggst:

- a. Vinna hérlendis í skemmri tíma en 3 mánuði,
- b. stunda bankaviðskipt hér á landi,
- c. sitja í stjórn félags sem skráð er í fyrirtækjaskrá Skattsins
- d. kaupa fasteign hér á landi og
- e. nýta aðra þjónustu hér á landi svo sem heilbrigðisþjónustu, stunda nám o.fl.

Sá opinberi aðili sem óskar eftir útgáfu kerfiskennitölu tekur ákvörðun um hvaða gögn einstaklingur þarf að framvísa hjá viðkomandi stofnun vegna útgáfu kerfiskennitölu.

Sá opinberi aðili sem óskar eftir útgáfu kerfiskennitölu tekur ákvörðun um hvort einstaklingur þurfi að gera grein fyrir sér í eigin persónu hjá stofnuninni.

8. gr.

*Kerfiskennitöluskrá.*

Eftirfarandi upplýsingar eru skráðar í kerfiskennitöluskrá

- a. Kennitala
  - i. Ný kerfiskennitala og
  - ii. eldri kennitala ef við á.
- b. Fæðingardagur
- c. Fullt nafn
- d. Ríkisfang
- e. Kyn
- f. Dvalarstaður á Íslandi, ef það á við.
- g. Heimilisfang
- h. Póstnúmer
- i. Sveitarfélag
- j. Skráningardagsetning á kerfiskennitöluskrá

### III. KAFLI Útgáfa vottorða

9. gr.

#### Útgáfa vottorða.

Þjóðskrá Íslands gefur út vottorð skv. reglugerð þessari og skal það gefið út á grundvelli fyrirbyggjandi gagna.

Nú eru fyrirbyggjandi gögn ekki nægjanleg til útgáfu umbeðins vottorðs og getur stofnunin þá synjað um útgáfu þess.

Þjóðskrá Íslands getur gefið út vottorð með fyrirvara um gildi þess gefi gögn slíkt til kynna.

10. gr.

#### Fæðingarvottorð

Fæðingarvottorð eru einungis gefin út fyrir einstaklinga fædda á Íslandi. Einstaklingar fæddir erlendis geta fengið útgefið vottorð er varðar sjálfan sig að því gefnu að viðeigandi gögn liggja fyrir hjá Þjóðskrá Íslands.

11. gr.

#### Hjónavígsluvottorð

Hjónavígsluvottorð eru einungis gefin út fyrir einstaklinga sem stofnað hafa til hjúskapar á Íslandi. Einstaklingar sem stofnað hafa til hjúskapar erlendis og hafa fengið hjúskapinn skráðan í Þjóðskrá geta fengið útgefið hjúskaparstöðuvottorð að því gefnu að viðeigandi gögn liggja fyrir hjá Þjóðskrá Íslands.

12. gr.

#### Form og afhending vottorða

Vottorð, útgefin af Þjóðskrá Íslands, skulu almennt vera gefin út á rafrænu formi og vera aðgengileg í pósthólfi einstaklinga á Ísland.is.

Þrátt fyrir 1. mgr. er heimilt að gefa út vottorð á pappír.

Vottorð á pappír, útgefin af Þjóðskrá Íslands, eru afhent í afgreiðslum stofnunarinnar eða send með pósti á skráð lögheimili.

Einstaklingur getur fengið vottorð er varða hann sjálfan afhent gegn framvísun löggildra skilríkja. Einstaklingur getur einnig fengið afhent vottorð barna sinna og annarra barna sem viðkomandi fer með forsjá yfir. Einstaklingi er einnig heimilt að sækja vottorð er varða þriðja aðila gegn framvísun löglegs umboðs og löggildra skilríkja.

Umboð skv. 4. mgr. skal vottað af tveimur einstaklingum, lögmanni eða lögbókanda skv. lögum um lögbókandagerðir nr. 86/1989.

13. gr.

#### Auðkenning.

Rafrænt vottorð sem framvísað er til skráningar hjá Þjóðskrá Íslands skal vera á rafrænu formi með rafrænni, rekjanlegri og löggiltri auðkenningu.

### IV. KAFLI

#### Notkun þjóðskrár í markaðssetningartilgangi.

14. gr.

#### Bannskrá

Þjóðskrá Íslands skal halda skrá yfir nöfn þeirra manna sem andmæla því að nöfn þeirra séu notuð í markaðssetningarstarfsemi.

Áður en skrá sem inniheldur nöfn, heimilisföng, netföng og eða símanúmer er notuð í beinni markaðssókn skal bera hana saman við skrár Þjóðskrár Íslands skv. 1. mgr. Um óumbeðin fjarskipti gilda lög um fjarskipti.

15. gr.

*Undanþágur.*

Þjóðskrá Íslands er heimilt að veita undanþágu frá skyldu ábyrgðaraðila til þess að taka mið af skráningum í bannskrá í þeim tilvikum er ábyrgðaraðili er opinber aðili, verið er að framfylgja lagaskyldu og um mikilvæga hagsmuni er að ræða. [\(Er í vinnslu\)](#).

16. gr.

*Miðlun skrár*

Úrtaksaðilar mega veita aðgang að bannskrá gegn gjaldi, með:

- a. Afhendingu sjálfstæðrar skrár með nöfnum, kennitölum og heimilisföngum eða
- b. samkeyrslu bannskrár við fyrirhugaðar útsendingarskrár

V. KAFLI

**Miðlun, sérvinnslur og gildistaka**

17. gr.

*Miðlun heildarskrár þjóðskrár*

Heildarafhending þjóðskrár er óheimil nema í undantekningartilfellum á grundvelli almannahagsmuna/samfélagslegra innviða.

Að öðru leyti geta eftirfarandi aðilar fengið þjóðskrá afhenta í heild sinni:

- a. Ríkislögreglustjóri,
- b. Skattstjóri,
- c. Tryggingastofnun ríkisins,
- d. Sjúkratryggingar Íslands og
- e. Reikningsstofa bankanna.

18. gr.

*Miðlun vensla.*

Þjóðskrá Íslands er heimilt að miðla upplýsingum um vensl barna, þ.e. forsjáruupplýsingum og foreldratengslum, til þeirra opinberu aðila sem þessar upplýsingar þurfa starfa sinna vegna.

Þjóðskrá Íslands er enn fremur heimilt að miðla forsjáruupplýsingum barna til annarra aðila sem starfa sinna vegna þurfa slíkar upplýsingar.

19. gr.

*Gildistaka.*

Reglugerð þessi er sett með heimild í 23. gr. laga nr. 140/2019, og öðlast þegar gildi.

*Samgöngu- og sveitarstjórnarráðuneytinu, ágúst 2020.*

**Sigurður Ingi Jóhannsson**

---

*Ragnhildur Hjaltadóttir.*